

04.11.2020

UKA2020/133

Akilerartarnermut Atugarsissaarnermullu Isumalioqatigiissitap akilerartarnermut atugarissaarnermullu immikkoortunut innersuussutaanik aallaaveqartumik aaqissuusseqqinnernik suliaqarnernik aallartitsinissamik Naalackersuisut peqquneqarnissaannut Inatsisartuni aalajangiiffigisassatut siunnersuut. Sulinissaq immikkoortunik ilanngussaq 1-mi taaneqartunik aallaaveqassaaq. Sulineq 2021 naatinnagu naammassineqareersimassaaq. (Inatsisartunut ilaasortaq Múte B. Egede, Inuit Ataqtigiit)

Siumuminngaaniit Inatsisartunut ilaasortaq Múte B. Egede, Inuit Ataqtigiinneersoq aalajangiiffigisassatut siunnersuuteqarneranut imaattumik Siumumiik oqaaseqassaagut.

Siumuminngaaniit qujassutigissuarput akilerartarnermut atugarissaanermullu isumalioqatigiissitap akilerartarnermullu suliaanik qaqsimmat. Siumumiit pingaartipparput nunatsinni aningaasaqarnitta atugarissaarnissattalu tungaatigut atugarissaarnissarput pitsaanernik siunissami atugaqarfigisariaqaripput. Sulilu aammaarluta nangittumik pitsanngorsaannissarput akisussaaffigalugu tigusilluta aaqqitassanut pitsanngorsaajuarnissarput ilungersuutigisariaqarparput. Taamaamat siunnersuuteqartoq sulianut naammaseeqqusinera isumaqatigisinnaavarput.

Siumumi oqariartuutigineqartut Aningaasaqarnermut siunnersuisooqatigiit 2019-mi nalunaarusiaanni allassimasai marluk, soorlu siunnersuuteqartut allataminik oqaatigeriigai siumuminngaaniit aaqqeqataarusulluta isumaqataasinnaavugut.

Siumuminngaaniillu ilisimaarivarput akilerartarnermut atugarissaanermullu isumalioqatigiissitap aallartinnermiilli suliai annertuut ingerlanneqarsimareertut. Aammami qinersivinni siuliini naalackersuisoqatigiittarnikuusut kaammattuutigineqartartut soqutigilluinarlugit suliassatut tigullugit ingerlattarnikuugaat siumumiit malinnaaffigaarput. Kiisalu aamma assigiinngitsorpassuit naammassineqarnikuusutut Naalackersuisup oqaatigisaattut inissinneqarnikuupput. 2011-p kingornatigut aamma 2016-mi Naalackersuisut ataatsimoorussamik attassinissamut siuariartortinissamullu pilersaarummik saqqummiussinerisa kingornatigut.

Siumuminngaaniit Naalackersuisuniit ataavartumik iliuuserineqarsimasut qujassutigeqaarput aammalu tapersorsorpagut. Nunatsinnimi ilungersuutitta annertuut ilagimmassuk inuit nunatsinni atukkamikkut naligiinnerusumik atugaqarnissaat. Taamatuttaarlu inuusuttunut siumumiit Naalackersuisut suliniuteqarnerisa naammassingajalersup imassaa qilanaarisorujussuubarput. Siuminngaaniimmi inuusuttortarta pitsaanerusumik siunissami kiisalu aningaasarsiorsinnaanermikkut atugaqalernissaannik oqaariartortarnerput tassuuna oqilisaaffigineqarumaartut naatsorsuutigigatsigu.

Qanittumi naatsorsueqqissaartarfiup suliaqartartuninngaaniit aammalu Sermitsiami ippassaani saqqummiunneqarpoq, naligiinnerulernermi suliaq ukuini ingerlaffimmini

pitsanngulersimagaluartoq kisianni ukuini kingullerni aatsanganeq annertusiaartoqqilersimasoq. Tassani takussutissaavoq nunatta angingaartup siammasissumillu inuuffigineqarnera unamminartunik assigiinngitsunik ulikkaartoq. Illoqarfinni suliffissaqarfiulluartauni inuuniarneq pitsaanerusutut isigineqarsinnaasutut isikkoqarpoq. Taamaammat siumuminngaaniit nunatsinni avinngasinnerusumiittut pitsaanermik atugassaqartinniarlugit aammaarluta peqataaqqissaagut ugartueqataassalluta.

Siumuminngaaniit Naalackersuisuutitatta suliaat soorunami tapersorsorpagut, taamaattorli isumaqarpugut suli qanoq pitsanngorsaasinnaanissamik oqallinnissaq angusinnaanerlutigu suliniutigisinnaanerlutigulu eqqartortuartaqaripput.

Aningaasaqarnermut siunnersuisoqatigiit 2020-mi naluunaarusiaannut naapertuuttumik suliaqarnerannut aamma iluarisimaarparput. Suliarineqarsimasut atugarissaarniarnitsinni tunngasut assigiinngitsut kingunissai kingusinnerusukkut aatsaat takkukkumaartut siuminngaaniit ilisimaarivarput.

Taamaammat siumuminngaaniit siunnersuutigineqartup saqqummiussai soqutigintillutigit ataatsimiititaliamut susassaqartumut ingerlateqqissinnaanera innersuussutigaarput.

Mala Høy Kúko
Siumut